

Protocol no. 101
Sezzüda da lündeschdi, 30 mai 2011, 20.00 – 22.40

Preschaints: Jon Carl Rauch; Chasper Alexander Felix, Georg Salomon,
Marianne Werro-Lehmann, Jachen Andri Schmidt e
Rico Zini (protocol)

Protocol

Il protocol no. 100 da la sezzüda 23 mai 2011 vain approvà.

877 021 FABRICA
STWEG Curtin 11 –Renovaziun entrada – Curtin 11

Sün dumonda da la STWEG Curtin 11 decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda inoltrada e fatta buna.
2. Il cumün surpiglia la salaschada per la part cumünala (megldramaint da la piazza).
3. Taxa da trattamaint da fr. 50.--.

878 021 FABRICA
Manuela e Jon Cantieni – Abitaziun nouva – Chasellas 53

Il Cussagl cumünal decida da dar il permiss da fabrica seguaintamaing:

1. Tenor la dumonda inoltrada e fatta buna.
2. Il Cumün inchascha seguaintas taxas tenor il reglamaint da taxas e sia agiunta:

- taxa da trattamaint			fr.	600.--
- taxa d'attach d'aua, prov.	1.5	%	fr.	7'200.--
- taxa d'attach chanalisaziun e sarinera, prov.	2.0	%	fr.	9'600.-- excl. ipv.
- taxa d'attach provedimaint electric, prov.	1.0	%	fr.	4'800.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Las indicaziuns da la pulizia da fö sun part integralas dal permiss da fabrica.

879 021 FABRICA
Frars Bonavia – Abitaziun nouva – Plazzetta 30

Il Cussagl cumünal decida da dar il permiss da fabrica seguaintamaing:

1. Tenor la dumonda inoltrada e fatta buna.
2. Il Cumün inchascha seguaintas taxas tenor il reglamaint da taxas e sia agiunta:

- taxa da trattamaint			fr.	300.--
- taxa d'attach d'aua, prov.	1.5	%	fr.	3'600.--
- taxa d'attach chanalisaziun e sarinera, prov.	2.0	%	fr.	4'800.-- excl. ipv.
- taxa d'attach provedimaint electric, prov.	1.0	%	fr.	3'600.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Las indicaziuns da la pulizia da fö sun part integralas dal permiss da fabrica.

880 021 FABRICA
Katrin e Johannes Bürgi – Abitaziun nouva – Plaz 151 A

1. Tenor la dumonda inoltrada e fatta buna.
2. Il Cumün inchascha seguintas taxas tenor il reglamaint da taxas e sia agiunta:
 - taxa da trattamaint fr. 300.--
 - taxa d'attach d'aua, prov. 1.5 % fr. 3'600.--
 - taxa d'attach chanalisaziun e sarinera, prov. 2.0 % fr. 4'800.-- excl. ipv.
 - taxa d'attach provedimaint electric, prov. 1.0 % fr. 3'600.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Las indicaziuns da la pulizia da fö sun part integralas dal permiss da fabrica.
5. Tenor art. 46 LF faja dabsögn da muossar sù amo üna plazza da parcar chi manca. Scha la cumprova dal cudesch fundiari per la plazza nun es avantman, vain dat quint per la plazza i'l import da fr. 8'268.--.
6. Avant sco cumanzar culla fabrica sto esser fatta buna la cumprova d'energia.

881 021 FABRICA
Annamaria e Domenic Augustin – Fouras geotermicas – Plaz 285

Il Cussagl cumünal decida da dar il permiss per realisar las fouras geotermicas cun seguintas cundiziuns:

1. Tenor la dumonda inoltrada e fatta buna.
2. Il Cumün inchascha üna taxa da trattamaint da fr. 100.--.
3. Il quint dal Chantun importa fr. 200.--.

882 021 FABRICA
Duri Pitschen-Thun – Ingrondimaint lobgia – Bügliet 71

Il Cussagl cumünal decida da dar il permiss per realisar l'ingrondimaint da la lobgia cun seguintas cundiziuns:

1. Tenor il rapport da la chüra da monumaints das-cha la lobgia gnir eretta be tanter las pütas (spazzi da mincha vart 15 cm) e quai cun üna chafuollezza da max. 1.20 m. La materialisaziun sto esser sco fin quà (saiv da fier e fuond da crap).
2. Il Cumün inchascha üna taxa da trattamaint da fr. 100.--.

883 021 FABRICA
Tina Maria Ritz – Plazzas da parcar – Parcella 242

Il Cussagl cumünal decida da dar il permiss d'eriger fin 5 plazzas da parcar sülla parcella 242 (üert) cun seguintas cundiziuns:

1. Tenor la dumonda inoltrada e fatta buna.
2. Il Cumün inchascha üna taxa da trattamaint da fr. 50.--.

885 790.581.03 Plan da quartier Flüs
Surdattas da lavur

Davo avair tut cogniziun dal reasunt da las offertas decida il Cussagl cumünal da surdar las seguintas lavurs:

1. Lavurs da catram
Palatini AG, Sent fr. 99'919.45
2. Lavurs d'impresari
Koch AG, Ramosch fr. 258'163.15
3. Lavurs sanitarias
ARGE Vital / Benderer, Sent fr. 69'543.15

887 790 PLANISAZIUN DAL TERRITORI
Zona da mansteranza a Crusch

Il Cussagl cumünal piglia incunter las spiegaziuns dal schef da fabrica a regard üna pussibla realisaziun d'üna zona da mansteranza a Crusch. Tenor il Cussagl cumünal es la retschercha davart la mansteranza avantman e'l lö füss fich adattà per realisar ün tala zona. Il Cussagl cumünal decida da laschar far las lavurs preparativas per integrar quista zona eventualmaing illa planisaziun cumünala.

888 720 ALLONTANAMAIN D'IMMUNDIZCHAS
Sachs illegals giò La Fuorcha

Il schef da deponia orientescha chi saja gnü büttà sachs nairs cun different s-chart illegal giò La Fuorcha. La pulizia chantunala ha fat ün rapport ed eir chattà adressas.

889 340.503.05 Piazza da giovar - Palüzot
Rendaquint piazza da giovar a Palüzot

Il rendaquint da la piazza da giovar a Palüzot as cumpuona seguaintamaing:

Cuosts totals:	fr. 133'578.15
Contribuziun cumün da Therwil:	- fr. 100'000.00
Cuosts nets:	fr. 33'578.15

L'actuar orientescha cha la cumischiun da la piazza da sport propuona da schoglier la cumischiun. L'investiziun fatta cuntainta plainamaing. Cul schogliamaint vegnan tschertas pendenzas surdattas al Cussagl cumünal.

Il Cussagl cumünal piglia incunter las infuormaziuns ed ingrazcha fich per la lavur prestada e decida cun quai da schoglier la cumischiun.

Implü infuorma l'actuar cha la piazza da beach ha pudü gnir finanzchà plainamaing tras l'IG Piazza da beach. In quel connex segua amo üna sairada d'infuormaziun e da finischiun illa Grotta da cultura.

890 151 TIR DA SCHAIBGIAS
Reglamaint dal tir da schaubgias Parnarsura

Il Cussagl cumünal piglia incunter las remarchas davart da la società da chatschaders. La suprastanza da la società propuona da laschar trar dals 1. mai fin 30 november eir amo al venderdi e na sco proponü be al mardi. E cha pro üna concorrenza da trar as poja ütilisar l'implant eir ad oters uraris (cul permiss dal cumün). Quists puncts vegnan amo discutats cul IG Sur En.

891 120.361.04 Avuadia ufficiala
Rendaquint avuadia ufficiala

La schefa da sandà orientescha sur dal quint da l'avuadia da l'on passà. Il deficit vain scumparti tenor üna clav da scumpart. Ella orientescha chi darà in avegnir eir üna reorganisaziun da las differentas cumischiuns da tutela.

892 810.501.30 Protecziun da lavinas Sinestra
Recumpensaziun da terrain

L'ENHK (Eidg. Natur- und Heimatschutzkommission) chi ha fat üna visita occulara propuona da recumpensar il terrain bsögnà per la via nouva suroura directamaint vers l'hotel. Els vessan gugent cha la via dal Berghaus fin sül hotel gniss renatüralisada. Pel Cussagl cumünal nu vain però quai in dumonda. Per la gestiun da l'hotel füssa ün grond dischavantag.

L'actuar: